

Searmanas Ardaithe na Brataí 2016, Caisleán Bhaile Átha Cliath

Roinn an Taoisigh

Dé hAoine 1^ú Eanáir 2016

Chuir an ócáid seo tús le Clár Comórtha an Stáit in 2016 agus rinneadh é amuigh faoin aer i gClós Uachtarach Chaisleán Bhaile Átha Cliath. Bhí dhá phríomheilimint i gceist ann: Óglaigh na hÉireann ag léamh Rolla Onóra de na hóglaigh sin a maraíodh i rith Éirí Amach 1916, agus ina dhiaidh sin bhí Searmanas Ardaithe na Brataí. San áireamh leis sin bhí ardú na dtrí bhratach a bhí ar foluain ar Shráid Uí Chonaill le linn na Casca 1916 - bratach Arm Cathartha na hÉireann a bhí ar foluain ar Óstán an Imperial ar Shráid Uí Chonaill, bratach Phoblacht na hÉireann agus an bratach Náisiúnta ar bhí araon ar foluain ar Ard-Oifig an Phoist. Cuireadh críoch leis an searmanas le seinm an *Reveille* agus Amhrán na bhFiann.

Daoine Móra le Rá agus Aíonna ar Cuireadh

Bhí an tUachtarán, an Taoiseach agus Ardmhéara Bhaile Átha Cliath i láthair don searmanas seo. Tugadh cuireadh d'ionadaithe tofa náisiúnta agus áitiúla a bheith i láthair mar aon le comhaltaí de Chomhairle an Stáit; na Breithiúna, an Cór Taidhleoireachta; comhaltaí den Sainghrúpa Comhairleach; Gaolta leis na hóglaigh a maraíodh in Éirí Amach 1916; comhaltaí den Ghrúpa Comhairleach Uile-pháirtí do na Cuimhneacháin Chéad Bliain; Coiste Trí-dhathach 1848 agus Fondúireacht Thomas Meagher.

An Pobal: Bhí an Searmanas oscailte don Phobal a raibh amharc iomlán acu ar na himeachtaí.

Ceol: An Banna Míleata agus Cór na nÓg RTÉ a chuir an ceol ar fáil.

Tá fáil [anseo](#) ar an mbróisiúr do Shearmanas Ardaithe na Brataí agus tá cóip chrua den bhróisiúr le fáil ach teagmháil a dhéanamh le protocol@taoiseach.gov.ie.